



Broj: 09-20-11-2-1728

Dana: 10.09.2020. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH („Službeni glasnik BiH“ broj: 39/14), Pravilnika o postupku dodjele ugovora o uslugama iz aneksa II. dio B Zakona o javnim nabavkama („Službeni glasnik BiH“ broj: 66/16) i na prijedlog Komisije za provođenje postupka nabavke u skladu sa članom 8. Zakona o javnim nabavkama za 2020. godinu, zamjenik direktora Federalne uprave policije d o n o s i:

### **ODLUKU**

o izboru najpovoljnijeg ponuđača za nabavku neprioritetnih usluga – usluga tehničkog pregleda i registracije motornih vozila

1. Na osnovu odluke o pokretanju postupka javne nabavke i Javnog poziva za dostavljanje ponuda broj 09-20/1-11-2-1728 od 21.08.2020. godine, pokrenut je postupak javne nabavke za nabavku usluga tehničkog pregleda i registracije motornih vozila Federalne uprave policije
2. Na predmetnu nabavku, zaprimljene su tri ponude i to od ponuđača: AC QUATRRO d.o.o. Sarajevo, Centrotrans Eurolines d.d Sarajevo, i ASA Assistance d.o.o. Sarajevo.
3. Komisija je vodeći se kriterijima iz Javnog poziva za dostavljanje ponuda konstatovala da je ponuda ponuđača Asa Assistance d.o.o. Sarajevo najprihvatljivija ponuda u smislu odnosa lokacije i ponuđenoj prednosti pri vršenju usluga, te je shodno tome dala preporuku da se donese Odluka o izboru najpovoljnijeg ponuđača što je i konstatovala u Zapisniku o pregledu i ocjeni ponuda broj 09-20/1-11-2-1728 od 09.09.2020. godine.
4. Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.
6. Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.
7. Za izvršenje Odluke zadužuje se Sektor za materijalno-finansijske poslove.

### **OBRAZLOŽENJE**

Na osnovu Javnog Poziva za dostavljanje ponude za nabavku usluga tehničkog pregleda i registracije motornih vozila Federalne uprave policije broj: 09-20/1-11-2-1728 od 21.08.2020. godine a koji je upućen na tri adrese i zaprimljene su ponude ponuđača i to: AC Quattro d.o.o. Sarajevo, ASA Assistance d.o.o. Sarajevo i Centrotrans Eurolines d.d. Sarajevo. Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponude ponuđača Asa Assistance d.o.o. Sarajevo i Centrotrans

Eurolines d.d. Sarajevo ispunjavaju formalno pravne, ekonomske i tehničke uslove odnosno zahtjeve ugovornog organa, i da su prihvatljive za ugovorni organ i da mogu biti predmet vrednovanja u skladu sa utvrđenim kriterijima u Pozivu za dostavljanje ponuda broj: 09-20/1-11-2-1728 od 21.08.2020. godine.

Uvidom u priloženu ponudu ponuđača AC QUATTRO d.o.o Sarajevo, Komisija je konstatovala da ponuda ponuđača ne sadrži izjavu o prednosti prilikom pružanja usluga sa naznačenim rokom (u satima) prijema vozila na tehnički pregled, kako je to traženo pozivom, te da isti nije dostavio udaljenost lokacije tehničkog pregleda od sjedišta ugovornog organa, te iz navedenih razloga se ponuda ponuđa AC QUATTRO d.o.o Sarajevo smatra formalno-pravno neispravna.

Polazeći od gore navedenih konstatacija, i činjenice da su dvije ponude prihvatljive u pravnom, tehničkom i ekonomskom smislu kao i da ispunjavaju zahtjeve ugovornog organa, Komisija je pristupila vrednovanju prihvatljivih ponuda shodno utvrđenom kriterijumu.

Obzirom da će se obračun stvarnih troškova vršiti prema stvarnom utrošku, na osnovu zakonski utvrđenih tarifa, a u skladu sa 3.1 Poziva za dostavljanje ponuda **Kriterij za dodjelu ugovora je najprihvatljivija ponuda u smislu odnosa lokacije, opremljenosti stanice tehničkog pregleda i ponuđenoj prednosti pri vršenju usluga.**

Komisija je uvidom u ponude izvršila evaluacije istih, i konstatovala da ponuda ponuđača Asa Assistance d.o.o. Sarajevo, u odnosu na tražene uslove iz poziva, u dijelu „Izjave o prednosti pružanja usluga sa naznačenim rokom (u satima) prijema vozila na tehnički pregled“, je dala izjavu da će vozila ugovornog organa imati prednost tj. biti pregledana odmah po dolasku, odnosno u roku od 1 minute, kao i „Izjavu o udaljenosti stanice na kojoj će se vršiti tehnički pregled vozila u Sarajevu“ i cestovno je udaljena 2,1 km u odnosu na sjedište ugovornog organa.

Komisija je uvidom u ponude izvršila evaluacije istih, i konstatovala da ponuda ponuđača *Centrotrans Eurolines d.d. Sarajevo*, u odnosu na tražene uslove iz poziva, u dijelu „Izjave o prednosti pružanja usluga sa naznačenim rokom (u satima) prijema vozila na tehnički pregled“, je dala izjavu da će vozila ugovornog organa imati prednost tj. biti pregledana odmah po dolasku, odnosno u roku od 0,5 sati odnosno 30 minuta od prijema vozila na tehnički pregled, kao i „Izjavu o udaljenosti stanice na kojoj će se vršiti tehnički pregled vozila u Sarajevu“ i cestovno je udaljena 9,7 km u odnosu na sjedište ugovornog organa.

S tim u vezi, a vodeći se kriterijima iz Javnog poziva za dostavljanje ponuda Komisija konstatuje da ponuda ponuđača Asa Assistance d.o.o. Sarajevo je najprihvatljivija ponuda u smislu odnosa lokacije i ponuđenoj prednosti pri vršenju usluga a što je i konstatovala u svom Zapisniku o otvaranju, pregledu i ocjeni ponuda broj: 09-20/1-11-2-1728 od 09.09.2020. godine.



Shodno utvrđenoj rang listi, Komisija jednoglasno daje poruku rukovodiocu Federalne uprave policije da za postupak javne nabavke neprioritetnih usluga – usluga tehničkog pregleda i registracije motornih vozila donese sljedeću Odluku o izboru najpovoljnijeg ponuđača - Asa Assistance d.o.o. Sarajevo, a u skladu sa članom 70. Zakona o javnim nabavkama („Službeni glasnik BiH" broj: 39/14) i članom 10. Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH broj: 66/16).

**Pravna pouka:** Protiv ove Odluke može se podnijeti žalba ugovornom organu u skladu sa Zakonom o javnim nabavkama („Službeni glasnik BiH" broj: 39/14), Federalnoj upravi policije Sarajevo, u roku od 5 (pet) dana od dana prijema ove Odluke.



Dostaviti:

- Sektor za mat. fin. poslove
- ponuđačima
- u spis

